

Naalakkersuisut peqquneqarnissaannik Inatsisartut aalajangiiffigisassaattut siunnersuut, Naalakkersuisut ataatsimiititaliarsuarmik pilersitsissasut pinerlussimanermi pillaaarnermut inatsimmik suliarinnittussamik aammalu eqqussisussamik. Ataatsimiititaliarsuup suliariumaagai Inatsisartut ukiaanerani ataatsimiinnermi 2025-imi saqqummiunneqassapput.

Kuno Fenckerimit saqqummiunneqartoq

Kalaallit Nunaanni pillaaarnermut inatsi eqqunnissaanut piareersaatit suliniutillu pisariaqartut aallartinnissaanut tunngavissamik pilersitsisussamik aallartisartoqarnissaa anguniarlugu, Naalakkersuisut rigsmyndighed attaviginnissaanut piunaffigineqarnissaannik Inatsisartut aalajangiiffigisassaattut siunnersuut.

Anna Wangenheimimit saqqummiunneqartoq

pillugit

Inatsisinut Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Mette Arge-Hammeken, Naleraq
Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq A sii Chemnitz Narup, Inuit Ataqtigiit
Inatsisartunut ilaasortaq Kuno Fencker, Siumut

UPA2024-mi ulloq 16. april siullermeerinninnerup kingorna ataatsimiititaliap siunnersuutit misissorpai.

Siunnersuutit imarisaat siunertaallu

Pinerluuteqarnerit annertussusiat ineriartorerallu kiisalu pinerluuteqarnerit pitsaaliuinikkut iliuuseqarnikkullu annikillisinniarlugit suliniutit sammisaapput inatsisitigut illersugaanissamut, taamaalillunilu atugarissaarnermik nalinginnaasumik misigisimanermut annertuumik pingaarutillit.

UPA2024/70

Kalaallit Nunaanni pinerluttulerinermi inatsimmi pineqaatissiissutit annertussuserisinnaasaannut killiliussanik atuutsitsisoqalernissaa siunertaralugu Naalakkersuisut ataatsimiititaliarsuarmik pilersitsinissaat aalajangiiffigisassatut siunnersuummi matumani siunniunneqarpoq.

Pineqaatissiissutit annertussuserisinnaasaannut killiliussat ilaatigut siunertarissavaat eqqartuussiviit pineqaatissiissutinik naleqquttunik annertussusiliisinaanerat pisariinnerulissammat ilaatigullu pinerluuteqarnikkut iliuitsit kingunerisartagaat pillugit innuttaasut akornanni ilisimasaqarnerulersitsissallutik, taamannalu inatsisitigut illersugaanermut pitsanngorsaataasinnaallunilu pitsaaliuinnermut sunniuteqarsinnaavoq.

Ataatsimiititaliarsuup suliai Inatsisartut 2025-mi ukiakkut ataatsimiinneranni kingusinnerpaamik saqqummiunneqassapput.

UPA2024/100

Piareersaalluni sulianik pisariaqartunik Kalaallit Nunaanni pillaasarnermut inatsimmik atuutsitsisoqalernissaanut tunngavissiisussanik aallartitsisoqarnissaa siunertaralugu Naalakkersuisut naalagaaffimmi oqartussaasunut saaffiginneqquneqarnissaat aalajangiiffigisassat siunnersuummi matumani siunniunneqarpoq.

Pinerluttulerinermi inatsimmut maannamut atuuttumut taarsiullugu pillaasarnermut inatsimmi siunertarinqartoq tassaavoq pineqaatissiinernik sakkortunernik atuutsitsisoqalernissaanik kissaateqarneq, maanna pineqaatissiisarnerit sukanganngippallaartutut isigineqarnerat pissutigalugu.

Siunnersuutit Inatsisartunit siullermeerneqarnerat

Pinerluttulerineq eqqartuussiveqarnermullu politikki isumannaallisaatinik maleruaqqusanik ullutsinnut naleqquttunik aalajangersaasinnaajumalluni akulikitsumik oqallisigineqartariaqartut siullermeerinermi isumaqatigineqarpoq. Inatsisartut taamaalillutik qinigaaffimmi matumani immikkoortut 14-it suliarat, assersuutigalugulu inoqammut ajoqqusiisumik soorlu persuttaallutik toqutsillutillu pinerluuteqartut pineqaatissinneqartarnerisa siviisussusia pillugu apeqqut 2023-mi ukiakkut apeqquteqaat aallaavigalugu oqallinnermi kingullermik oqaluuseraat.

Tamatuma saniatigut isummat assigiinngitsut saqqummiunneqarput.

Ilaasortat ilaasa pinerluttulerinermi inatsit pineqaatissiissutigineqartartullu qaffasissusiat ataatsimut isigalugu naammagisimaarpaat, taamaattorli siusissukkut iliuseqartarnissaq,

pitsaaliuinissaq innuttaasunullu ilaalersitseqqinniarneq eqqarsaatigalugit annertunerusumik suliniuteqartoqarnissaa kissaatigalugu.

Akerlianik ilaasortat allat pinerluttulerinermi inatsimmi pineqaatissiissutit annertussuserisinnaasaannut killiliussanik pillaasarnermullu inatsimmik pineqaatissiissutit sakkortunerulersinneqarnissaannut periarfissiisumik atuutsitsisoqalernissaa kissaatigaat.

Apeqqutit sammisallu ilaat oqaluuserineqartut ilaatigut tassaapput pinerluttuliortup tunngavigineqarnerata iliuutsinut tunngavigineqartunut sanilliunneqarnera, inuup pinerluuteqarsimasup annertuumik sammineqartarneranut sanilliullugu pinerluffigineqarsimasut taakkulu qanigisaasa ikiorneqartarnerat/ikiorneqartannginnerat, pineqaatissiinerit qaffasissusiat pinerluutqarnermut sanilliullugu naammaginarnersoq aammalu pineqaatissiissutit atorunnaarlugit pillaasarnerit.

Inatsisartuni oqallinneq siammasissumik ingerlanneqarpoq, taamaalilluni eqqartuussiveqarnermut politikimi ingerlaarfiit, isiginnittaatsit tunngaviusumillu isummat assigiinngitsut tusartinneqarlutik.

”Kalaallit Nunaanni pinerluttulerineq pillugu inatsiseqartitsineq malillugu eqqartuussutit, pineqaatissiissutit aamma isummat” pillugu misissuinissaq pillugu Iisimatusarfimmi ilisimatuumik suleqateqarnissamik 2023-mi isumaqatigiissussusiorsimallutik Naalakkersuisut paasissutissiipput.

Inatsisinut Ataatsimiititaliap ulloq 1. maj Inatsisit atuutsinneqarnerannut Naalakkersuisumik ilisimatitsiffiusumik ataatsimeeqateqarnerani Inatsisit atuutsinneqarnerannut Naalakkersuisup Iisimatusarfiullu akornanni isumaqatigiissut tunniunneqarpoq. Tassani allassimavoq *“Kalaallit Nunaanni innuttaasut pinerluuteqarnermi pineqaatissiissutigineqartartut pillugit, taama tulleriillutik, pineqaatissiissutit qaffasissusaasa qanoq qaffasitsiginerinik ilisimagisaqarnerat aamma qanoq qaffasitsigisariaqarnerat pillugu qanoq isumaqarnerat, Kalaallit Nunaanni maannakkut pisumi pineqaatissiissutigineqartartut qaffasissusaat pillugit uppernartumik pissutsit pillugit takutitsinissamut ilangussinissaq, misissuineri siunertarineqarpoq.”*

Misissuinerup ineneri pigineqalerpata pinerluttulerinermi inatsimmik imaluunniit Kalaallit Nunaanni pinerluttulerinermi inatsimmi pineqaatissiissutit annertussuserisinnaasaannut killiliussanik atuutsitsilernerne kingunerisassanik nassuiaateqartussamik suleqatigiissitamik immikkut ilisimasalinnik inuttalimmik suleqatigiissitaliortoqassasoq Naalakkersuisut siunnersuutigaat. Suleqatigiissitap immikkut ittumik ilisimasalinnik inuttallip suliaani sammisassat suunissaat, suleqatigiissitami immikkut ilisimasalinnik inuttalimmi kikkut peqataanissaat aammalu suliaq qaqugu naammassineqartussatut naatsorsuutigineqarnersoq suliakkiuummi erseqqinnerusumik nassuiaatigineqassapput.

Naalakkersuisut tamanna tunggavigalugu allannguutissatut siunnersuumik imaattumik saqqummiussipput:

Annertuumik inatsisitigut isumannaatsuunissamik aamma inatsisitigut naapertuilluarnerup annertuumik peqataaneramik, inuiaat inuit inatsisitigut illersugaanerannik pingaartitsisut attatiinnarneqarnissaat anguniagarineqassappat, pinerluttulerinermi inatsisip eqqartuussisarnermillu inatsisip illersorneqarsinnaasumik aaqqissugaanerannik naliliisussamik suleqatigiissitanik paasisimasaqarluartunik Naalakkersuisut pilersitsinissaannik peqquneqarnissaat pillugu Inatsisartut aalajangiiffigisassaattut siunnersuut. Ilaatigut iliuusereriikkanut kinguneqartitsinernut killiliussat aamma innutaasut isumaat pillugit misissuineq aallartinneqareersoq tunggavigalugu, Kalaallit Nunaanni pinerluttulerinermi inatsimmi pillaatissiissutaasunut killiliussat eqqunneqartariaqarnersut pillugit suliarisassat allassimaffianni ingerlanissap qanoq ingerlanissaa allaaserineqassaaq. Suliarisassat allassimaffiat UPA 2025-imi saqqummiunneqassaaq.

Kiisalu Naleraq allannguutissatut siunnersuumik imaattumik saqqummiussivoq:

Kalaallit Nunaanni pinerluttulerinermut eqqartuussiveqarnermullu akisussaaffik oqartussaaffigilernissaa anguniarlugu, Naalakkersuisut rigsmyndighed attaviginnissaanut piumaffigineqarnissaannik Inatsisartut aalajangiiffigisassaattut siunnersuut.

Siunnersuutilli allannguutissatullu siunnersuutip tassunga tunggasup assigiinnissaat pillugu Inatsisartut ilusiliinissamut piumasaqaataat allannguutissatut siunnersuummi tamatumani naammassineqanngillat, pinerluttulerinermi inatsimmi pineqaatissiissutit annertussuserisinnaasaannut killiliussanik atuutsitsilernissaq pillugu aammalu pillaasarnermut inatsimmik atuutsitsilernissamik sammisap aammalu pinerluttulerinermut eqqartuussiveqarnermullu akisussaaffiup oqartussaaffigilerneqarnissaa pillugu allannguutissatut siunnersuummi sammineqartup akornanni pisariaqartumik naapertuuttoqannginnera pissutigalugu.

Ataatsimiititaliap siunnersuutini suliarinninnera

Inatsisinut Ataatsimiititaliap ulloq 1. maj 2024-mi Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq ilisimatitsiffiusumik ataatsimeeqatigaa.

Ilisimatitsiffiusumik ataatsimiinnermut atatillugu tunuliaqutitut paasissutissat matuma kinguliani allassimasut ataatsimiititaliamut ilaatigut saqqummiunneqarput:

Pinerluttuliortup tunngavigineqarnera aamma iliuitsit tunngavigineqarnerat

Pillaasarnermik inatsit:

§ 80. Pillaatissiissutip aalajangerneqarnerani inatsisinik atuinermi assigiiaarinissaq qajassuullu, inatsimmik unioqqutitsinerup peqqarniissusaa aamma pinerluttuliortoq pillugu paasissutissat pingaartinneqassapput.

Imm. 2. Inatsimmik unioqqutitsinerup peqqarniissusaata naliliiffigineqarnerani, ajoqusiineq, navianartorsiortitsitsineq aamma innarliineq inatsimmik unioqqutitsinermut atasoq, kiisalu pinerluttuliortup tamakku pillugit paasinnissimanera imaluunniit paasinnissimasussaagaluarnera eqqarsaatigineqassapput. Pinerluttuliortoq pillugu paasissutissanik naliliinermi, taassuma nalinginnaasumik inuttut inooqatigiinnilu atugarisai, taassuma iliuseqarneq sioqqullugu kingornalu atugarisai kiisalu taassuma iliuseqarnerminut patsisaa, eqqarsaatigineqassapput.

Pinerluttulerinermi inatsit:

§ 121. Pineqaatissiissummik toqqaanermi uuttuinnermilu eqqarsaatigineqassapput

- 1) inatsimmik unioqqutitsinerup peqqarniissusaa, matumani ilanngunneqassalluni iliuitsit taamatut ittut akiorneqarnissaannut inuiaqatigiit soqutiginninnerat, aamma
- 2) pinerluuteqarsimasup inuttut atugai, matumani ilanngunneqassalluni pineqartup inatsisinik unioqqutitseqqinnissaa pinaveersaartinniarlugu pisariaqarsorineqartut.

Inerniliineq: Kinguneri assigiipput. Tunngaviit taakku marluk assigiimmik pingaartinneqassapput.

Pinerluttuliortup tunngavigineqarnera aamma iliuitsit tunngavigineqarnerat pillugit Naalakkersuisut tunuliaqutitut paasissutissiissutaat Inatsisinut Ataatsimiititaliamit tusaatissatut tiguneqarput.

Tamanna isumaqarpoq eqqartuussivimmi aalajangiinnermut atatillugu pinerluttuliortup inuttut atugai, inatsisinik unioqqutitsinerup suunera aammalu innuttaasut inatsisitigut naapertuilluartoqarneranik misigisimanerat eqqumaffiniarneqartartut – danskit pillaasarnermut inatsisaat aammalu Kalaallit Nunaanni pinerluttulerinermi inatsit naapertorlugit eqqartuussivimmi aalajangiisoqartillugu.

Suliani ilungersunartuni suleriaaseq

12. april 2022 – Aasianni niviarsiaqqamik 11-ilinnik ukiulimmik toqutsinermut Nunatta Eqqartuussisuunekarfia ukiunik 9 inissiisarfimmi inissinneqarnissamik eqqartuussivoq, aamma toqutsinermik suliani aallaaviusoq tassaasoq ukiut 7-sut tamatuma peqatigisaanik aalajangersumik oqaatigineqarpoq.

18. december 2023 – Qasigianguani toqutsinermut toqutseriarnermullu kiisalu qunusaarinernut Qaasuitsup Eqqartuussisoqarfia ukiunik 10 inissiisarfimmi inissinneqarnissamik eqqartuussivoq – eqqartuussut suliareqqitassanngortinneqanngilaq

Pineqaatissiinermut killiliussat ukiunit 10-iniit ukiunut 16-inut qaffanneqarnissaat Naalackersuisut noqqaassutigisimavaat, taamaalilluni suliani ilungersunartuni ukiut 10 sinnerlugit eqqartuussisoqarnissaanut inissaqalissammat. Pillaasarnermik inatsimmi periarfissaq taanna pinerluttulerinermi inatsimmi periarfissaassaaq.

- “Pillaatissiinerit” sivisunerusut pinerluttuliornerit ikilinerinik kinguneqartarnerat imaluunniit iperagaanerup kingorna eqqartuunneqarsimasup nutaamik pinerluttulioqqinnginneranik kinguneqartarnera, misissuinerit arlaannaataluunniit takutinngilaa – killormulli pisoqartarpoq
- Sivisunerusumik “pillaatissinneqarnissamik” aarlerineq toqutsisoqannginnissaanut pingaaruteqassanngatinnegannilaq, tassami Danmarkimi ilisimaneqartut toqutsinerit pinerlunniaqatigiinnut attuumassuteqartut tassani pisarput, Kalaallit Nunaannili pilersaarutaasumik toqutsinerit misigineqarneq ajorput, kisianni toqutsinerit kissaammernikkut pinerusarlutik

Eqqartuussiviit:

- Pillaatissiinermut killiliussanik/pineqaatissiinermut killiliussanik eqqussisoqaraluarpalluunniit, eqqartuussiviit sulisaasianni, naligiimmik pineqarnissamik tunngavinnik aallaaveqarneq aamma inatsisinik atuinermi assigiimmik pinnittoqarnissaa, uani pingaartinneqassaaq.
- Ullumikkut soorlu taamaattoq, Kalaallit Nunaanni tillinniarnermut ukiuni 10-ini inissiisarfimmi inissinneqarnissamik eqqartuussisoqarneq ajorpoq.

Mianersuaalliornikkut toqutsinermut pillaatissiinermut killiussaq pillaasarnermik inatsimmi assersuutigalugu aamma ukiut 10-liupput, kisianni aalakoortilluni biilerluni inummik aporsigaanni, taamaaliorpoq ukiup 1-p ukiullu 2 akornanni paarnaarussaananeramik kinguneqartarpoq.

Pillaasarnermik inatsimmi nakuusernermut pillaatissiinermut killiliussaq ukiut 3-suupput, kisianni tilluineri aallaaviatigut ullunik 40-nik pillaasoqartarpoq – tamanna aamma Kalaallit Nunaanni atuuppoq, tassani pineqaatissiinermut killiliussaq ukiut 10-iupput.

Ukiunit 0-imiit 10-inut pillaanissamut killiussaqqarp, taamaalillutik eqqartuussiviit taassuma iluani sulisaaseq eqqartuussiviit aalajangissavaat. Pineqaatissiisutip annerpaaffiata tungaanut tamatigut inissaqartitsisoqassaaq, pissutigalugu, amerlanertigut suliat sulii ajornerulaartut nassaassaasinnaassammata.

Pillaasarnermik inatsimmi nalinginnaasumik pillaatissiisutitut killiliussat minnerpaaffissaat atornerqarneq ajorput – taamaallaat aalajangersakkani ataasiakkaani nassaassaapput – assersuutigalugu toqutsinermi, tassani ukiunit 5-nit sivikinnerusumik parnaarussinissamik eqqartuussisoqarsinnaanngilaq.

Pillaasarnermik inatsimmi pillaatissiinermi killiliussat


Inatsimmik unioqqutitsineq	Pillaatissiinermi killiliussaq nalinginnaasooq	Pillaatissiinermi killiliussaq immikkut ittumik sukannernerusooq	Paragraffi
Toqutsineq	Ukiunit tallimaniit inuunerup sinneranut		237
Mianersuaalliornikkut toqutsineq	Qaammatit 4	Ukiut 10	241
Nakuuserneq	Ukiut 3	Ukiut 6	244
Nakuuserneq peqqarniitsoq (naakkittaatumik, peqqarniitsumik imaluunniit navianartumik pissusilik)	Ukiut 6	Ukiut 10	245
Nakuuserneq toqumik kinguneqartoq	Ukiut 10		246
Mianersuaalliortumik nakuuserneq	Qaammatit 4	Ukiut 8	249
Kiffaanngissusiiaaneq	Ukiut 4	Ukiut 12	261
Inunnik niueruteqarneq	Ukiut 10		262a
Pinngitsaaliineq	Ukiut 8	Ukiut 12	216, imm. 1
Meeqqamik 12-it inorlugit ukiulimmik pinngitsaaliineq	Ukiut 12		216, imm. 2
Kannguttaalliiorfiginninneq	Ukiut 2	Ukiut 4	232
Ujajaaneq	Ukiut 6	Ukiut 10	288
Tillinneq aamma tillinniarnaq, peqquserlunneq, akiitsoqarfimmuut peqquserlunneq, imminut paarititanik peqquserluuteqarneq, pinngitsaaliilluni iliuuseqartitsiniarnaq il.il.	Ukiut 1 qaammatillu 6	Ukiut 6	285 aamma 286

Danskit pillaasarnermut inatsisaanni pineqaatissiisutit annertussuserisinnaasaannut killiliussat aappaluttumik nalunaarneqartut nunatsinni pinerluttulerinermi inatsit naapertorlugu ukiunik qulinik pineqaatissiisarnerit maanna atuuttut qaangerpaat, siulianili oqaatigineqartut pineqaatissiisutitut killiliussat ukiunut 16-inut qaffanneqarnissaat Naalackersuisunit qinnutigineqarpoq.

Kiisalu Anna Wangenheimip aalajangiiffigisassatut siunnersuutini ulloq 3. maj 2024-mi ataatsimiititaliamut saqqummiuppaa aammalu Inatsisartuni oqallinneq tunngavigalugu isummani itisilerlugit.

Kalaallit Nunaanni pinerluuteqarnerit qaffasissusiat pillugu paasissutissanik ataatsimiititaliaq aamma pissarsiniarpoq taakkulu Danmarkimi Savalimmiunilu qaffasissutsinut sanilliullugit.

1.1 Pinerluttulerinermi inatsimmik nalunaarutiginninnerit amerlassusaat



1.2 Innuttaasut 1000-iugaangata pinerluttulerinermi inatsimmik nalunaarutiginninnerit amerlassusaasa Savalimmiunut aammalu Danmarkimut (straffeloven) sanilliinneri

	Kalaallit Nunaat	Danmark	Savalimmiut
2023	78,4	48,3	12,0
2022	75,0	46,7	12,1
2021	82,1	46,0	10,2

Pinerluttulerinermi inatsimmik unioqqutitsinerit politinut nalunaarutigineqartut amerlassusiat Kalaallit Nunaanni qaffasingaatsiarpoq taamaalilluni oqaatigineqarsinnaavoq.

Paasissutissat pigineqartut tunngavigalugit ataatsimiititaliaq isumaqarpoq pinerliffigineqartunut qanigisaannullu sammitinneqartumik tapersersuinissaq amigaataasoq. Nunatsinni pinerluttuliorderit ilarpassui innarliinerupput ilungersunartorujussuit, soorlu nakuusernerit, toqutsinerit kinguaassiuutitigullu atornerluinerit. Taakku pinerluffigineqartunut, ilaqtutanut, ikinngutinut najukkamilu inuiaqatigiinnut tupannartorujussuusinnaallutillu kingunerlutsitsigajupput.

Eqqartuussiveqarnermut ataatsimiititaliarsuup suliaqarnerani pinerluffigineqarsimasunut vagtiunermut aqqissuussineq Narsami misiligutitut ineriartortitsinneqarlunilu ingerlanneqarsimavoq. Taama ikiueriaatsimik aqqissuussinissatsinnut aningaasalersuinissatsinnullu **piffissanngorpoq**. Pinerliffigineqartoq appasinnerusumik piginnaasaqalersinneqassanngilaq inuuneratalu pitsaassusia ajorseriartinneqassanani.

Inatsisinut Ataatsimiititaliap martsip qaammataani Københavnumut paasisassarsiorluni angalanerani inatsiseqartitsinermut ministeriaqarfimmi ilisimatusarnermut allaffimmit ilisimatuut marluk inuusunnerusut ilisimatusaatimik ilaannik saqqummiussipput. Nunatsinni pinerluttulerinermik suliassaqarfimmi siunissami annertunerujussuarmik ilisimatusartoqarnissaa Inatsisinut Ataatsimiititaliamit kissaatigineqarluinnarpoq. Ilaatigut uteqqiattumik pinerluttarnerup ilisimatusarfigineqarnissaa ataatsimiititaliamit amigaatigineqarpoq, taamaalilluta uagut inuiaqatigiittut uteqqiattumik pinerluttarnerit qanoq pitsaallorneqarsinnaanerannut appartinneqarsinnaanerannullu suut atorneqarsinnaanerat pillugu ilisimasaqarnerulersinnaaqulluta.

Aammattaq Inatsisunik Atuutsitsinermut Naalakkersuisup Ilisimatusarfimmi ilisimatuunik misissuisitsinissaq pillugu isumaqatigiissuteqarsimanera Inatsisinut Ataatsimiititaliamit iluarisimaarneqarpoq. Misissuinermi angusat eqqartuussivinni periutsit, suliamik ilisimasaqartut innuttaasullu isumaat inatsisitigullu naapertuilluartoqarneranik misigisimanerat pillugit paasissutissanik piviusunillu takutitsinnaassapput.

Misissuinerup inernerisa 2025-mi upernaakkut saqqummiunneqarnissaat Inatsisinut Ataatsimiititaliamit qilanaarineqarpoq. Taamaaliornikkut pinerluttulerinermi inatsisitta ukiut 15-it qaangiuppata qanoq ingerlanissaa takorloorneqarsinnaalissasoq ataatsimiititaliamit naatsorsuutigineqarpoq. Misissuinerup pinerluttulerinermi inatsisitta nutarterneqarnissaa pillugu politikikkut oqallinnissami tunngavissaqarluartitsinnaanissaa qilanaaraarput.

Tamanna tunngavigalugu ataatsimiititaliami amerlanerussuteqartut Inuit Ataqaatigiinneersut Siumumeersullu allannguutissatut siunnersuummik saqqummiussinissartik kissaatigaat.

Siunnersuutip aningaasaqarnikkut kingunerisassai

Aalajangiiffigisassatut siunnersuutip piviusunngortinneqarnerani aningaasaqarnikkut allaffisornikkullu kingunerisassat siunnersuutip tunngavilersuutitaani nassuiaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutit piviusunngortinneqarneranni aningaasaqarnikkut kingunerisassat siunnersuummi taamaalilluni allassimasut ataatsimiititaliamit maluginiarneqarpoq.

- UPA2024/70:

Pisortanut aningaasaqarnikkut allaffissornikkullu kingunerisassai:

Siunnersuutip matuma kingunerissavaa Naalackersuisut ataatsimiititaliarsumik inuttalersuillutik aallarniissammata. Tamatumunnga aningaasat pisariaqartinneqartut nassaariniaarlugit Siumup 2025-mut aningaasanut inatsisip isumaqatigiinniutigineqarnera aqqutigalugu tapiissuteqarnissaq siunnersuutigaa. Naalackersuisut ataatsimiititaliarsumik inuttalersuillutik aallarniinemik suliaqarlutik aallartitsinnagit siunnersuutip matumani pineqartup aningaasaqarnikkut kingunerisassai maannangaaq oqaatigiuminaapput, siusinnerusukkut ataatsimiititaliarsumi suliap qanorpiaq ittuunera apeqqutaatillugu aningaasartuutit assigiinngitsorujussuusarnerat pissutigalugu.

Naalackersuisut ataatsimiititaliarsumik pilersitsinissamik piareersaallutik suliaqarnissaat eqqarsaatigalugu fuldmægtigit atorfik affaq pineqarpoq, aningaasaliissutaareersut iluanni ingerlanneqarsinnaasut Siumumit naatsorsuutigineqartoq.

Namminersorlutik inuussutissarsiutilinnut aningaasaqarnikkut allaffissornikkullu kingunerisassai:

Soqanngilaq.

Innuttaasunut aningaasaqarnikkut allaffissornikkullu kingunerisassai:

Pinerlutsaaliuineq, pineqaatissiisarnerit assigiiaartut sunniuteqartullu pinerluuteqarsinnaasunut anusinngorsaataasinnaasut sunniuteqarsinnaasullu. Pinerluttulerinermi inatsimmik pineqaatissiissutit annertussuserisinnaasaannut killiliussartalmik maanna inuiaqatigiit piariaqartitaannut kissaataannullu naleqqussakkamik inuiaqatigiit peqalissapput.

- UPA2024/100:

Pisortanut aningaasaqarnikkut allaffissornikkullu kingunerisassai:

Piareersaalluni aallarniutitut suliaqarnermi ilinniagartuutut ukioq naallugu atorfimmuut naapertuuttumik AC-fuldmægtigimik Namminersorlutik Oqartussani allaffissornikkut sulisussamik pisariaqartitsisoqarnissaa naatsorsuutigineqarpoq. Tamatuma saniatigut Namminersorlutik Oqartussani allaffissornikkut sulisunik ikittuinnarnik atuisoqartariaqassaaq. Suliassaqarfik suli tiguneqanngilaq, taamaattumik piareersaalluni sulianut aningaasartuutit naalagaaffimmit akilerneqassapput Namminersorlutik Oqartussat akunnerit allaffissornikkut atugaannut taarsiissutitut.

Namminersorlutik inuussutissarsiutilinnut aningaasaqarnikkut allaffissornikkullu kingunerisassai:

Soqanngilaq.

Innuttaasunut aningaasaqarnikkut allaffissornikkullu kingunerisassai:

Soqanngilaq.

Inatsisinut Ataatsimiititaliap ilassutitut oqaaseqaatai:

Ataatsimiititaliap inassuteqaatai

- **Ataatsimiititaliami amerlanerussuteqartut Inuit Ataqtiginneersut Siumumeersullu** allannguutissatut siunnersuut imaattoq saqqummiuppaat:

Inuiaqtigiinni eqqartuussiveqarnermi inatsisitigut qaffasissumik isumannaassuseqarnerup inatsisitigullu naapertuilluartoqarneranik annertuumik misigisimanerup attatiinnarneqarnissaat siunertaralugu pinerluttulerinermi inatsit eqqartuussisarnermilu inatsit illersorneqarsinnaasumik naleqqussarneqarsimanersut pillugu naliliisussatut suleqatigiissitamut immikkut ilisimalinnik inuttaqartumut suliakkiummik suliaqaqqullugit Naalakkersuisut peqquneqarnissaannik Inatsisartut aalajangiiffigisaassaattut siunnersuut. Pillaasarnermut inatsimmik pillaasarnermilu killiliusanik kiisalu nunatsinni pinerluttulerinermi inatsimmi pineqaatissiisarnermut killiliussanik atuutsitsilerniarluni suliap ingerlarnga, tassungalu ilanngullugu pineqaatissiissutit qaffasissusiannik innuttaasullu isumaannik misissueqqissaarinerit suliakkiummi nassuiaatigineqassapput. Suliakkiut UPA2025-mi saqqummiunneqassaaq.

Ataatsimiititaliap taama oqaaseqaateqarluni isumaliutissiisummilu allassimasutut paasinnil-luni siunnersuutit aappassaaniigassanngortippai.

Anders Olsen
Siulittaasoq

Mette Arqe-Hammeken

Harald Bianco

Asii Chemnitz Narup

Kuno Fencker

